

Gobernador mester sali dilanti pa splica Pueblo kico a pasa

FORMADOR NELSON ODUBER A GAÑA PUEBLO PA BIRA PROMER MINISTRO

11'or di mainta ainda ta core tras di Glenbert y 5'or Gobierno ta forma

ORANJESTAD (AAN): Un wega completamente sushi a worde hunga cu Pueblo. Si ya Pueblo a acostumbra cu Nelson Oduber ta gaña bon, awor Pueblo por a nota cu pa Nelson Oduber no ta problema pa hasta gaña cu Gobierno ta cla pa despues resulta cu nada ta cla. E unico obhetivo cu Nel Oduber a mantene na vista for di momento cu resultado di eleccion tabata conoci, tabata e hecho cu e lo bira Promer Ministro. Nada mas. Mientras el a perde eleccion, e promer declaracion di Nelson Oduber tabata cu e ta dispuesto pa bira Promer Ministro hunto cu su partidonan chikito pero cu e no ta dispuesto pa bira Promer Ministro den un Gobierno cu AVP. Nelson Oduber na forma cla a mostra cu ta e posicion di Promer Ministro tabata tur loke ta conta y si e mester a gaña pa bira Promer Ministro, el a logra hacie.

Gobernador mester sali dilanti awor y bin splica Pueblo den kico el a hinca Aruba. E mester duna cuenta pa cada suceso y desaroyo y pa henter e comedia cu a worde hunga ariba lomba di Pueblo. Tambe Gobernador mester bin splica Pueblo cuanto e comedia aki a costa Pueblo den tur e negociacionnan di bay Hulanda y bira Presidente di Staten.

Si mira atras kico a pasa den e ultimo simannan, por mira con mentira tras mentira a worde lanza ariba Pueblo y con na forma sushi un Gobierno a worde forma. Tur regla di decencia Parlamentario y gubernamental a

worde bandona y e pais a worde pusha den un caos total.

Gobernador a crea e impresion cu el a tuma e decision pa Nel Oduber bira formador pasobra asina Aruba por a haya un Gobierno cu base amplio den corto tempo. E impresion aki a worde creador di e encargo cu Lin Koolman, fuera di tur regla di etica, a pone den man di Fredys Refunjol cu durante cuatro aña a yuda forma uno di e Gobierno mas discutible y mas escandaloso cu Aruba a yega di conoc.

E base amplio por a worde lubida pasobra ta diezun pipita di pinda tabata tin pa forma Gobierno. Rapidez por a lubida. Ora Staten nobo a sinta ainda Gobierno no tabata cla. A bin cu

e areglo pa Ministranan keda Miembro di Staten, mientras Nel tabata forma. Cada bez Pueblo tabata tende cu mañan Gobierno nobo lo ta cla pero mañan tabata bira otro mañan.

Ora segun tur regla Lin Koolman como Gobernador mester a pone ultimatum pa e formador of hasta kita e tarea di formacion for di dje, pasobra nada tabata keda cla Nelson Oduber di ripiente a anuncia cu Diavierna Gobierno lo tabata cla. E Diavierna a habri. Pa 12 or di merdia, e miembronan nobo di Gobierno mester a bira conoci. Esey no tabata posibible. 12 or di merdia ainda Nelson Oduber tabata trata di haya Glenbert cu OLA den Gobierno.

E intento a fracasa y

merdia ainda partidonan den Gobierno tabata reuni, cu excepcion di PPA caminda Benny a aplica venta por aprecio pa bira Ministro. Diripiente pa 5 or Nelson Oduber a anuncia cu Gobierno a keda cla.

Tur hende a keda straña pero ningun hende por a pensa cu Nelson Oduber tabata gaña cu Gobierno tabata cla. Fin di siman a pasa y a tuma varios dia promer cu supuestamente Staten mester a reuni pa nombra e Ministranan nobo.

Cu tabata tin algo vies den e wega atrobe por a nota den e hecho cu e reemplazantenan di Staten no a worde atendi den reunion di Staten y cu e retiro di e Ministranan "bieu" a keda colga. A bin e wega di tranca documento-

nan pasobra diripiente a resulta cu Nelson Oduber a usa number di Felix pa bay Hulanda aparentemente sin aprobacion di Felix pasobra despues Felix a bisa cu e no ta bay Hulanda.

Awe Pueblo mester tende di Lin Koolman como Gobernador kico a socede. Ta pa deshaci di entre otro mentiranen continuo di Gobierno, Pueblo a manda a Gobierno cu Lin Koolman como Gobernador a bolbe permiti sinta, cas. Awor ta cu mentira na Pueblo formacion a tuma lugar y Pueblo mester haya sa kico ta kico y cuanto placa e formacion di Gobierno a costa Pueblo pasobra e negociacionnan tabata demasiado pisa pa gratuitamente tur hende a acepta loke nan a haya.

BIJLES

Natuurkunde, Wiskunde
en Scheikunde op alle
niveaus. Seroe Preto 8
San Nicolas
C. Richardson
TEL: 48247

100-0000-0 00 000000